

**STATUTI
i
SHOQËRISË TREGTARE ME PËRGJEGJËSI TË KUFIZUAR**

"EXECUTIVE TRAVEL & TOURS" Sh.p.k.

TITULLI I

Neni 1: Emërtimi, ortakët

Sot, më datë 29.09.2023 (*dymijë e njezetetre*), në mbështetje të legjislacionit shqiptar, respektivisht Ligjit nr. 9901, datë 14.04.2008 "Për tregtarët dhe shoqërítë tregtare", Ligjit nr. 9723, datë 03.05.2007 "Për Qendrën Kombëtare të Regjistrimit", themeluesi i përcaktuar si më poshtë, ka krijuar, një Shoqëri Tregtare me emërtimin "**EXECUTIVE TRAVEL & TOURS**" Sh.p.k., si shoqëri me përgjegjësi të kufizuar të së drejtës shqiptare me,

Ortak themelues:

- z. Eldi Alimehmeti
- z. Mikel Hasanaliaj

Shoqëria ka emërtimin: "**EXECUTIVE TRAVEL & TOURS**" shpk.

Shoqëria ka formën juridike të Shoqërisë me Përgjegjësi të Kufizuar, (SHPK).

Emri Tregtar i Shoqërisë do të jetë: "**ETT**" shpk.

Shoqëria ka vulën e saj në formë rrethore me mbishkrim - emërtimin e shoqërisë, adresën, NIPT dhe numër kontakti.

Neni 2: Objekti

Shoqëria me Përgjegjësi të Kufizuar "**EXECUTIVE TRAVEL & TOURS**" Sh.p.k., do të zhvillojë aktivitet me objektin e veprimtarisë si më poshtë:

- Agjensi turistike, organizim udhetimesh individuale ose ne grupe per shtetas shqiptare dhe te huaj brenda dhe jashte vendit, promovimi i turizmit ne Shqiperi dhe jashte saj, shitje biletash, transport turistik tokesor etj.
- Dhenie me Qira te Automjeteve te tonazheve te ndryshme.
- Shitblerje e Automjeteve te tonazheve te ndryshme.
- Shitblerje e Pasurive te Patundshme.
- Dhenien e ndihmes dhe konsulences per njojen dhe shfrytezimin e ofertave te tregjeve nderkombetare ne funksion te tregut te brendshem.
- Kryerjen e te gjithe operacioneve industriale, tregtare, mobiliare dhe imobiliare, brenda limiteve te kushteve qe mund te jene te nevojshme per permbushjen e qellimit per te cilin eshte krijuar shoqeria.
- Pjesëmarrje në investimet industriale dhe tregtare, si dhe në aktivitete të ndryshme financiare, tregtare e industriale;
- Pjesëmarrja në shoqëri ekzistuese ose që do të krijohen në të ardhmen, me qëllim krijimin e subjekteve ligjore, me qëllime të njëjta apo të ngashme.



- Përfaqësimin e shoqërive te ndryshme, shqiptare dhe të huaja, qe kane objekt te njëjtë apo te përafert me atë te kësaj shoqërie.
- Shoqeria mund te kryeje te gjitha operacionet imobiliare, mobiliare, tregtare, industriale, finançiare apo administrative.
- Te gjitha aktivitetet e lart permendura mund te zhvillohen si ne tregun tregtar kombetar edhe ne ate nderkombetar.
- Per realizimin e objektit dhe qellimeve te saj shoqeria mund te ndermarre çdo lloj operacioni financiar te konsideruar si te pershatshem prej saj ne funksion te arritjes dhe zhvillimit te aktivitetit.
- Shoqeria mund te vendose garanci, hipotekoje ne favor te ndonje banke apo institucion i kreditues. Shoqeria mund te zhvilloje keto sherbime si direkt ashtu edhe nepermjet konsulenteve apo te treteve.

Neni 3: Kohëzgjatja

Kohëzgjatja e veprimtarisë ekonomike e Shoqërisë Tregtare "EXECUTIVE TRAVEL & TOURS" Sh.p.k. është e pakufizuar. Ajo mund të shpërbëhet në çdo moment, sipas vendimeve të marra nga Asambleja e Ortakëve.

Neni 4: Selia dhe adresa elektronike

- 4.1** Selia e Shoqërisë Tregtare "EXECUTIVE TRAVEL & TOURS" Sh.p.k. është në Rr. Mine Peza. Tiranë.
- 4.2** Shoqëria zhvillon aktivitetin e saj në të gjithë territorin e Republikës së Shqipërisë si dhe jashtë saj. Për këtë, ajo mund të hapë edhe seli të tjera operative, filiale, përfaqësi dhe agjenci në të gjithë territorin e R.SH., si dhe jashtë saj, në përputhje me ligjet e vendeve ku ato hapen.

TITULLI II Kapitali

Neni 5: Shuma dhe pagesat e kapitalit themeltar

- 5.1** Kapitali themeltar i kësaj Shoqërie me Përgjegjësi të kufizuar "EXECUTIVE TRAVEL & TOURS" Sh.p.k., është 100 000 (*njeqind mije*) Lekë dhe është i ndarë në 2 (*dy*) kuota. Kapitali është nënshkruar dhe shyer tërësisht në të holla nga ortakët themelues të shoqërisë Themeluesit marrin në pronësi kuotat e tyre në kapitalin themeltar në përputhje me kontributin e tyre.
- 5.2** Kontributi i ortakëve themelues në kapitalin themeltar është si më poshtë:
- | | |
|----------------------------|--|
| z. Eldi Alimehmeti | zotëron 1 kuotë me vlerë 49.000 Lek që përfaqëson 49 % të kapitalit themeltar. |
| z. Mikel Hasanaliaj | zotëron 1 kuotë me vlerë 51.000 Lek. që përfaqëson 51% të kapitalit themeltar |

Neni 6: Kërkesa për të paguar kuotat e kapitalit dhe térheqja e kuotave të papaguara

- 6.1** Administratori mund t'u kërkojë ortakëve të paguajnë kontributin e papaguar në lidhje me kuotat e tyre dhe çdo ortak, në varësi të marrjes së një njoftimi prej të paktën, katërmëbëdhjetë ditësh të plota, që përcakton kohën dhe vendin se ku duhet të bëhet pagesa, i paguan shoqërisë



shumën e kerkuar per kuotat e veta, si percaktohet ne njoftim. Thirrja per pagese mund te kerkoj qe pagesa te bhet me keste. Personi te cilit i drejtohet thirrja per pagesen e kontributit pergjigjet per thirrjet qe i bhen pavarësish kalimit te mëpasshëm te pronësisë se kuotave me te cilat lidhet thirrja per pagesë.

- 6.2 Zotëruesit e përbashkët te një kuote, mbajnë pergjegjësi bashkërisht dhe veçmas per te shlyer te gjitha thirrjet per pagesë te kontributit, te cilat lidhen me këte kuotë.
- 6.3 Nëse një thirrje per pagesë mbetet e papaguar pas mbarimit te afatit, Administratori mund t'i japë një njoftim prej jo më pak se katërmëdhjetë ditësh te plota personit qe eshtë pergjegjës per pagesën, përmes te cilit i kerkonjë te paguajë shumën e papaguar se bashku me interesin qe mund te jetë akumular. Në njoftim jepet emri i vendit ku duhet bërë pagesa dhe në te deklarohet se nëse nuk zbatohet, kuotat e pronësisë me te cilat lidhet njoftimi, pergjigjen duke u anuluar.
- 6.4 Nëse njoftimi nuk zbatohet, kuota me te cilën lidhet njoftimi, përpala se te bhet pagesa e kerkuar nga njoftimi, mund te tërhoqet me vendim te Administratorit dhe tërheqja përfshin edhe te gjithë dividendët ose shumat e tjera te pagueshme në lidhje me aksionet e tërhequra dhe te papaguara deri në momentin e tërheqjes.
- 6.5 Në varësi te parashikimeve te Ligjit, një kuotë e tërhequr mund te shitet, te rishpërndahet ose te hiqet në bazë te kushteve dhe mënyrës qe konsiderohet e arsyeshme nga administratori.
- 6.6 Personi prej te cilit janë tërhequr kuotat e kapitalit pushon se qeni ortak në lidhje me kuotat e tërhequra, por vazhdon te jetë pergjegjës përpala shoqërisë per te gjitha kontributet te cilat janë te paslyera në datën e tërheqjes se kuotave në lidhje me këto kuota se bashku me interesin e illogaritur me normën e interesit te zbatueshëm per këto kontribute përpala tërheqjes.

Neni 7: Kuotat, te drejtat dhe kufizimet

- 7.1 Në varësi te dispozitave te Ligjit dhe pa cënuar te drejtat qe rrjedhin nga kuotat ekzistuese, çdo kuotë mund te emetohet me te drejta ose kufizime te tillë sic percaktohet ne vendimin e kualifikuar me 75% (*shtatëdhjetë e pese përqind*) te kapitalit te Asamblesë se Përgjithshme.

Neni 8: Çertifikatat e kuotave te kapitalit

- 8.1 Ortaku, në momentin e marrjes se pronësisë se kuotave te kapitalit, fiton te drejtën te marrë pa pagesë një çertifikatë per te gjitha kuotat qe zoteron. Shoqëria nuk eshtë e detyruar te leshoje më shumë se një çertifikatë per kuotat në zotërim te përbashkët te disa personave dhe dhënia e çertifikatës përfaqësuesit te zotëruesve te përbashkët sipas Nenit 72, paragrafi (2) te Ligjit përbën një dhënie te mjaftueshme per te gjithë këta zotërues. Emrat e zotëruesve te përbashkët renditen në çertifikatën e kuotës. Ky vërtetim nuk ka natyrën e letrës me vlerë.

Neni 9: Kalimi i kuotave me kontratë

- 9.1 Kontrata e kalimit te kuotës bhet me shkrim dhe në bazë te formaliteteteve te vendosura nga Administratori. Kalimi i kuotës i njoftohet selisë se regjistruar te Shoqërisë.
- 9.2 Administratori mund te mos pranojë ta regjistrojë kalimin e kuotës pranë QKR-së, nëse kuota



nuk është shlyer tërësisht ose nëse nuk janë dakord që kuotën ta marrë marrësi.

- 9.3** Nëse Administratori nuk pranon ta regjistrojë kalimin e kuotës, ata, brenda një muaji pas datës në të cilën është bërë kërkesa për regjistrimin e kalimit në shoqëri, i dërgojnë marrësit njoftimin për mospranimin.

Neni 10: Kalimi përmes trashëgimisë ose falimentit

- 10.1** Nëse një ortak vdes, bashkëzotëruesh e mbetur gjallë dhe, në rastin kur është zotëruesh i vetëm ose një bashkëzotëruesh i vetëm i mbetur gjallë, trashëgimtarët e tij, janë të vetmit persona, të cilët shoqëria i njeh si titullarë të kuotës së tij; Por, asnje dispozitë e këtushme, nuk e çliron pasurinë e ortakut të vdekur nga përgjegjësia në lidhje me kuotën që ka pasur në zotërim i vetëm ose bashkërisht.
- 10.2** Personi që fiton të drejtën mbi një kuotë si pasojë e vdekjes ose falimentimit të një ortaku mundet që pas paraqitjes së provave të kërkuara nga Administratori, të vendosë ose të bëhet zotëruesh i kuotës ose të kërkojë që si zotëruesh i kuotës të regjistrohet një person tjetër i caktuar prej tij. Nëse vendos të bëhet zotëruesh vetë, ai e njofton shoqërinë në lidhje me këtë. Nëse vendos që të kërkojë që si zotëruesh i kuotës të regjistrohet një person tjetër, ai shfrytëzon një instrument të kalimit të kuotës tek ky person tjetër.
- 10.3** Personi që e fiton të drejtën mbi një kuotë si pasojë e vdekjes ose falimentimit të një ortaku gjëzon të drejtat, titullar i të cilave do të kishte qenë si zotëruesh i kuotës, me përjashtim të faktit që, përpara se të regjistrohet pranë QKR-së, ai nuk gjëzon të drejtën e pjesëmarrjes ose të votës në asamblenë e shoqërisë.

Neni 11: Zmadhimi dhe zvogëlimi i kapitalit

- 11.1** Asambleja e Përgjithshme mund ta zmadhojë kapitalin, me vendim të kualifikuar, duke rritur kuotat e ortakëve ekzistues me shumat që përcaktohen në vendimin e marrë prej saj. Në këtë rast, vendimi duhet gjithmonë të merret me votën pro të ortakëve që përfaqësojnë të paktën 75% (*shtatëdhjetepesë përqind*) të kapitalit. Në rast zmadhimi të kapitalit themeltar, të gjithë ortakët do të kenë të drejtë të nënshkruajnë zmadhimin e tij në proporcion me pjesët e tyre në kapital. I njëjti vendim i kualifikuar kërcohët edhe kur zmadhimi i kapitalit pritet t'u japë mundësi ortakëve të rinj të hyjnë në shoqëri.
- 11.2** Me anë të një vendimi të kualifikuar, shoqëria mund ta zvogëlojë kapitalin e vet. Në këtë rast, vendimi duhet gjithmonë të merret me votën pro të ortakëve që përfaqësojnë të paktën 75% (*shtatëdhjetepesë përqind*) të kapitalit. Në rast zvogëlimi të kapitalit themeltar, të gjithë ortakët do të kenë të drejtë të nënshkruajnë zvogëlimin e tij në proporcion me pjesët e tyre në kapital. Në çdo rast, kapitali i shoqërisë nuk mund të zvogëlohet nën kufirin e parashikuar me ligj.

Neni 12: Blerja e kuotave nga ortakët dhe të tjerët

- 12.1** Ortakët e shoqërisë kanë përparësi për blerjen e pjesës që shitet përpara personave të tretë jashtë shoqërisë. Ortaku që dëshiron të transferojë ose të shesë kuotat e tij i drejton një kërkesë me shkrim asamblesë, duke saktësuar çmimin e shitjes, i cili duhet të jetë i njëjtë me atë që do t'i ofrohet edhe një personi të tretë jashtë shoqërisë si dhe të dhënat e blerësит. Ortaku jep ofertën brenda 60 (*gjashtëdhjetë*) ditëve nga data e njoftimit dhe duhet t'u transmetojë ortakëve të tjerë

këtë kërkesë dhe ortakët e tjerë duhet të japid një përgjigje brenda 60 ditëve. Edhe e drejta e përparësisë, duhet t'u jepet me shkrim duke iu drejtuar asamblesë.

- 12.2** E drejta e përparësisë është proporcionale me kuotat e secilit prej ortakëve, por nëse një ortak nuk është i interesuar, tjetri mund t'i blejë kuotat që shiten.
- 12.3** Asambleja pasi ka kaluar afati prej 60 (*gjashtëdhjetë*) ditëve, brenda 30 (*tridhjetë*) ditëve i komunikon ortakut që shet kuotat e tij, vendimin e ortakëve të tjerë për të blerë të gjithë ose pjesërisht kuotat e tij. Në rast se kuotat nuk shiten brenda shoqërisë, atëherë këto kuota brenda 60 (*gjashtëdhjetë*) ditëve i ofrohen personave të tretë jashtë shoqërisë. Transferimi dhe shitja e kuotave, duhet të bëhet me akte notoriale dhe një kopje e këtij akti duhet të depozitohet në librin e ortakëve.

TITULLI III **Asambleja e Përgjithshme**

Neni 13: Mbledhja e Asamblesë së Përgjithshme

- 13.1** Administratori mund të thërrasë mbledhjen e Asamblesë së Përgjithshme kur ta mendojë të arsyeshme vetë dhe duhet të thërrasë mbledhjen e Asamblesë së Përgjithshme sa herë ta kërkojnë ortakët në përputhje me Nenin 84 të Ligjit.
- 13.2** Mbledhja e Asamblesë se Përgjithshme thirret me anë të një letre ose një mesazhi me postë elektronike, që i drejtohet secilit prej ortakëve, përfshirë edhe përfaqësuesin e kuotave në zotërim të përbashkët. Njoftimi duhet të bëhet të paktën 7 (*shtatë*) ditë të plota kalendarike përpara mbledhjes, por kjo periudhë mund të jetë edhe më e shkurtër nëse këtë e aprovojnë shumica e ortakëve që zotërojnë jo më pak se pesëdhjete përqind të vlerës nominale të kuotave. Secilit ortak, së bashku me njoftimin për mbledhjen, i dërgohet edhe PIN-i për të mundësuar pjesëmarrjen dhe votimin në mbledhje.
- 13.3** Mosveprimi i paqëllimitë për dhëni e njoftimit për mbledhjen apo mos-marrja e njoftimit për mbledhjen nga personat që kanë të drejtën për ta marrë një njoftim të tillë i bën të pavlefshme punimet e mbledhjes, nëse shoqëria nuk provon se personi që nuk e ka marrë njoftimin i ka dhënë shoqërisë një adresë të pasaktë.

Neni 14: Punimet e mbledhjes së Asamblesë së Përgjithshme

- 14.1** Punimet e mbledhjes së Asamblesë së Përgjithshme nuk mund të fillojnë nëse nuk është i pranishëm kuorumi i parashikuar në këtë statut. Ortakët ose zotërueshit e prokurave të votimit, mund të janë të pranishëm edhe përmes mjeteve elektronike, përfshirë telekonferencën, qoftë kjo përmes lidhjes me audio ose përmes lidhjes me audio dhe video, sipas Nenit 88. Ortakët që marrin pjesë përmes mjeteve elektronike kanë të drejtë të votojnë pasi të paraqesin PIN-in, që u është dhënë së bashku me njoftimin për mbledhjen e Asamblesë së Përgjithshme.

- 1¹ Asambleja e Përgjithshme e ortakëve do të konsiderohet se është mbledhur rregullisht dhe se mund të marrë vendime të vlefshme nëse marrin pjesë ortakët me të drejtë vote, që zotërojnë më shumë se 30 për qind të kuotave, përvèç kur bëhet fjalë për rastet e parashikuara në paragrafin e mëposhtëm (1²).



- **1²** Asambleja e përgjithshme e ortakëve shqyrton dhe merr vendime, me votën pro të ortakëve që përfaqësojnë të paktën 51% të kapitalit themeltar për çështjet në vijim:

- a) përcaktimin e politikave tregtare të shoqërisë;
- b) ndryshimet e statutit; (*shtatëdhjetepesë përqind*)
- c) emërimin e administratorit;
- d) emërimin e shkarkimin e likuiduesve dhe të ekspertëve kontabël të autorizuar;
- e) përcaktimin e shpërblimeve për personat e përmendur në shkronjat "c" dhe "ç" të kësaj pike;
- f) mbikëqyrjen e zbatimit të politikave tregtare nga administratori, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- g) miratimin e pasqyrave financiare vjetore dhe të raporteve të ecurisë së veprimtarisë;
- gj) zmadhimin dhe zvogëlimin e kapitalit; 75% (*shtatëdhjetepesë përqind*)
- h) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqërisë; 75% (*shtatëdhjetepesë përqind*)
- h) miratimin e rregullave procedurale të mbledhjeve të asamblesë;
- i) shpërndarjen e fitimeve; 75% (*shtatëdhjetepesë përqind*)
- i) çështje të tjera të parashikuara nga ligji apo statuti;

- **1³** Asambleja e përgjithshme e ortakëve shkarkon administratorin me shumice te zakonshme votash.

- 14.2** Administratori cakton një Kryetar për të drejtuar punimet e mbledhjes dhe një person për të mbajtur procesverbalin e mbledhjes.
- 14.3** Pavarësisht nëse është apo jo ortak, Administratorit i lejohet të marrë pjesë dhe të flasë në mbledhjet e Asamblesë së Përgjithshme.
- 14.4** Me pëlqimin e mbledhjes në të cilën është i pranishëm kuorumi, Kryetari mundet (dhe është i detyruar, nëse ia kërkon asambleja), t'i shtyjë punimet e Asamblesë, por në një mbledhje të shtyrë të Asamblesë nuk mund të diskutohet asnjë pikë me përjashtim të pikave të cilat mund të ishin zgjidhur rregullisht nëse nuk do të ishin ndërprerë dhe shtyrë punimet e Asamblesë. Kur punimet e Asamblesë janë shtyrë për katërmëbëdhjetë ditë ose më shumë, duhet dhënë një njoftim prej të paktën shtatë ditësh të plota në të cilin përcaktohet ora dhe vendi i mbledhjes së shtyrë dhe natyra e përgjithshme e pikave të punës që duhen kryer. Përndryshe, asnjë njoftim i tillë nuk do të ishte i nevojshëm.
- 14.5** Vendimet që duhen aprovuar përmes votimit të Asamblesë merren me votë të hapur, nëse, përpara ose gjatë deklarimit të rezultatit, nuk është kërkuar në mënyrë të rregullt një votim i fshehtë. Votimin e fshehtë mund ta kérkojë 1. Kryetari; ose 2. një ortak ose disa ortakë që përfaqësojnë jo më pak se 5% (*pesë përqind*) të votave gjithsej të asamblesë së shoqërisë. Kërkesa e bërë nga një person që ka prokurë votimi nga një ortak ka të njëjtën vlerë sikur ta bëjë ortaku në fjalë.
- 14.6** Nëse nuk kundërshtohet nga një ortak, deklarata nga ana e Kryetarit, se një vendim është miratuar në mënyrë unanime ose me një shumicë të caktuar ose nuk është miratuar me një



shumicë të caktuar dhe regjistrimi i këtij fakti në procesverbalin e takimit është informacion i formës së prerë i faktit, pa pasur nevojë për provën e numrit apo përqindjes së votave të regjistruara pro ose kundër vendimit.

- 14.7** Nëse ka kundërshtime për këtë deklaratë, atëherë zhvillohet një votim i fshehtë për të përcaktuar numrin e votave të hedhura pro dhe kundër vendimit.

Neni 15: Votat e ortakëve

- 15.1** Në varësi të të drejtave ose kufizimeve të lidhura me kuotat, secila kuotë e një ortaku i cili (si individ) është i pranishëm vetë ose përmes një prokure përfaqësimi ose (si shoqëri) është i pranishëm përmes përfaqësuesit të autorizuar në mënyrë të rregullt ose përmes një prokure përfaqësimi ka të drejtën e një vote.
- 15.2** Asnjë ortak nuk voton në mbledhjen e Asamblesë së Përgjithshme personalisht ose përmes një prokure përfaqësimi, në lidhje me kuotat që zotëron vetë, nëse nuk janë paguar tërësisht kontributet nga ana e tij në lidhje me kuotën në fjalë.
- 15.3** Kundërshtimet e ngritura për plotësimin e kushteve nga ana e një votuesi i bëhen në kohë Kryetarit, vendimi i të cilit është i formës së prerë. Të gjitha votat e pa hequra në një mbledhje ose mbledhje të shtyrë janë të vlefshme.

Neni 16: Hetimet e posaçme

- 16.1** Personi ose personat që plotësojnë kushtet për të kërkuar emërimin ose zëvendësimin e një audituesi të posaçëm sipas Nenit 91 të Ligjit e bëjnë një kërkesë të tillë përmes depozitimit në selinë e shoqërisë të një dokumenti së bashku me një deklaratë notieriale e cila vërteton se personi ose personat i plotësojnë kushtet për këtë veprim.

TITULLI IV
Administratori

Neni 17: Emërimi i administratorit

- 17.1** Asambleja e Përgjithshme emëron një person fizik si administrator të vetëm të shoqërisë për 5 (pesë) vjet sipas Nenit 81 parografi (1) pika 3 dhe Nenit 95 të Ligjit. Emërimet i nënshtrohen individualisht një vendimi me votën pro të shumicës se zakonshme, të kapitalit themelues, nëse miratohet, çon në zgjedhjen e personit të propozuar si administrator.
- 17.2** Kufizimet në lidhje me emërimin e administratorit parashikohen në Nenin 95, parografi (2) i Ligjit.
- 17.3** Shoqëria do të drejtohet nga **Administratori** - Eldi Alimehmeti

Neni 18: Kompetencat e Administratorit



- 18.1** Veprimtaria tregtare e shoqërisë menaxhohet nga Administratori, i cili mund t'i ushtrojë të gjitha kompetencat e shoqërisë që nuk i janë rezervuar Asamblesë së Përgjithshme nga Neni 81 i Ligjit (6).
- 18.2** Administratori ka këto të drejta dhe detyrime:
- të kryejë të gjitha veprimet e administrimit të veprimtarisë tregtare të shoqërisë;
 - të përfaqësojë shoqërinë, në mënyrë aktive ose pasive, përpara çdo autoriteti gjyqësor, administrativ, fiskal, në çdo procedurë, në çdo shkallë të gjykimit, si në Shqipëri ashtu dhe jashtë saj, me të drejtën për të nënshkruar çdo akt ose dokument të nevojshëm sipas rastit, personalisht ose duke ndjekur formalitetet përkatëse, pra, edhe me lëshimin e prokurave, mandateve të veçanta për avokatë, mbrojtës, të përgjithshme dhe për mosmarrëveshje; të lëshojnë ose të revokojnë mandate *ad lites* avokatëve dhe mbrojtësve dhe *ad negotia* punonjësve të shoqërisë ose të tretëve për një ose më shumë veprime, në kuadër të kompetencave përkatëse;
 - të kryejë çdo operacion financiar dhe/ose tregtar (kontrata *leasing*; operacione cedimi kredie) aktive dhe pasive, që ka lidhje me operacione që hyjnë në objektin e shoqërisë, duke marrë përsipër angazhime dhe përmbushje të formaliteteve të nevojshme, duke përfshirë dorëzaninë,
 - të çelë llogari rrjedhëse bankare, të kryejë tërheqje parash, të japë dispozita të pagesës, të firmosë çeqe që të kenë vlerë tek këto llogari rrjedhëse, edhe të zbuluar, në kufijtë e besueshmërisë së atij momenti (*overcover*), të verifikojë këto llogari rrjedhëse dhe të miratojë llogarinë;
 - të punësojë, të pezullojë, të pushojë nga puna dhe të ndryshojë kushtet që lidhen me marrëdhënien e punës së personelit;
 - të ndërveprojë me Entet e Administratës Publike për çdo negocim që lidhet me oferta, projekte, pjesëmarrje, gjithnjë brenda kufijve të parashikuar nga objekti i shoqërisë;
 - të lëshojë ekstrakte të borderove dhe vërtetime që lidhen me personelin, si për entet e sigurimeve shoqërore, ashtu dhe për ente të tjera ose private; të kujdeset për respektimin e përmbushjeve, ndaj të cilave shoqëria është e detyruar, me të drejtën për të nënshkruar deklarata tatimore, që kanë lidhje me mbajtjet nga të ardhurat e punës së varur ose autonome që janë përdorur;
 - të nënshkruajë deklarata fiskale në lidhje me taksat dhe tatimet në përgjithësi, si dhe çdo akt ose certifikatë të parashikuar nga legjislacioni fiskal në fuqi, të kërkojë rimbursime dhe lehtësimë nga taksat dhe tatimet, të përfaqësojë shoqërinë përpara organeve të administratës fiskale dhe pranë komisioneve tatimore të çdo shkalle, me të drejtën për të emëruar mbrojtës të posaçëm;
 - të përfaqësojë shoqërinë pranë organeve publike, tatimore dhe administrative, edhe me qëllim fitimin e koncesioneve, licencave dhe lejeve, duke emëruar, nëse është e nevojshme edhe mbrojtës të posaçëm;
 - të nënshkruajë komunikimet e bankës mbi kryerjen e akreditimit dhe borxhit në llogari rrjedhëse dhe ekstrakteve periodike të llogarive rrjedhëse për vartësit e shoqërisë për shumat e depozituara pranë saj;
 - të nënshkruajë kontrata shitblerje të mallrave dhe shërbimeve, në kufijtë e objektit të shoqërisë;
 - të ndërtojë, të përfundojë dhe të administrojë marrëdhënie bankare, duke rënë dakord mbi afatet dhe kushtet;
 - të kryejë çdo formalitet për firmosjen e një akti dhe/ose dokumenti me qëllim depozitim e akteve dhe dokumenteve të shoqërisë pranë Gjykatës, Dhomës së Tregtisë, Zyrave Fiskale dhe Enteve të tjera;



- tē përfaqësojë shoqerinë në asambletë e shoqërive të tjera, shoqatave, konsorciumeve dhe në marrëdhëniet me këto ente, organet e tyre dhe ortakët ose të asociuarit e tyre, dhe të emërojë përfaqësues, të delegojë me mandat dhe/ose prokurë, aq sa i takon kompetencave të tij.
 - Per te gjitha veprimet me pale te treta (kontrata shitbleje, kredie, leasingu, qiraje, bashkepunimi etj) te cilat kane vlore financiare mbi 2,000,000.00 ALL (dy milion leke), administratori i shoqerise duhet te shoqeroje me Vendimin e Asamblese.
- 18.3** Administratori mund t'ia delegojë kompetencat e tij komiteteve që përbëhen nga një ose më shumë anëtarë. Një delegim i tillë mund të bëhet në varësi të kushteve që mund të vendosë Administratori dhe mund të revokohet ose të ndryshohet.
- 18.4** Asnjë ndryshim i Statutit dhe asnje direktivë nga ana e Asamblesë së Përgjithshme nuk mund t'i bëjë të pavlefshme veprimet e mëparshme të Administratorit, të cilat do të kishin qenë të vlefshme, nëse nuk do të ishte bërë ndryshimi apo nëse nuk do të ishin dhënë direktiva.
- 18.5** Administratori nuk mund tē delegojë asnjérën prej detyrimeve, të cilat ia ngarkon ligji.

Neni 19: Skualifikimi dhe largimi i administratorit

19.1 Posti i Administratorit lirohet nëse:

1. pushon së qeni Administrator në bazë të dispozitave të Ligjit përfshirë Nenin 95 parografi (6).
2. hyn në procedurën e paaftësisë paguese;
3. vuan ose mund tē vuajë nga çrrregullime mendore;
4. jep dorëheqjen përmes një njoftimi që i bën Shoqërisë; ose
5. ka munguar pér më shumë se tre muaj radhazi pa leje në aktivitetin e përditshëm të shoqërisë ose Asambleja e Përgjithshme, me propozim të Ortakëve të tjerë vendos ta lirojë nga detyra.

Neni 20: Shpërbimi i punës, përfitimet e tjera dhe shpenzimet e Administratorit

- 20.1** Administratori ka tē drejtë tē marrë shpërblim pér punën e tij, sipas vendimit të zakonshëm të Asamblesë së Përgjithshme tē marrë në përputhje me Nenin 97 të Ligjit.
- 20.2** Asambleja e Përgjithshme mund tē japë përfitime, në tē holla, pensione, sigurime ose forma tē tjera, pér ata persona tē cilët kanë punuar më parë pér shoqerinë ose pér shoqëri tē tjera tē cilat janë ose kanë qenë filiale tē shoqërisë ose pér shoqëri pararendëse tē shoqërisë ekzistuese, ose pér familjarë tē tyre (përfshirë bashkëshortin, bashkëshorten, ish-bashkëshortin ose ish-bashkëshorten) ose pér persona tē cilët janë në varësi tē tyre, dhe mund tē japë kontribute në fonde tē caktuara pér dhënien e përfitimeve tē tilla (si pérpara ashtu dhe pasi personi në fjalë pushon së mbajturi postin ose marrëdhënien e punës).

Neni 21: Vendimet e Mbledhjeve të Administratorit

- 21.1** Mbledhjet e Administratorit mbahen sa herë ta kërkojë aktiviteti i shoqërisë.
- 21.2** Të gjitha aktet e kryera nga Administratori ose nga një person që ushtron detyrën e caktuar nga Administratori, pavarësisht faktit nëse më vonë zbulohet se ka pasur mangësi në emërimin e tij ose ka qenë i skualifikuar nga e drejta pér tē mbajtur detyrën ose nuk ka pasur tē drejtë vote,

janë të vlefshëm njësoj sikur të gjithë këta persona të ishin emëruar rregullisht, të plotësonin kushtet, të vazhdonin të ishin Administratorë.

Neni 22: Kufizimet për votimin

22.1 Një Administrator nuk lidh asnje marrëveshje dhe nuk merr vendime për asnjë çështje në të cilën ka, drejtpërdrejtë ose tërthorazi, një interes ose detyrë me rëndësi materiale dhe që bie ose mund të bjerë ndesh me interesat e shoqërisë sipas nenit 13 të Ligjit, nëse me vendim të Asamblesë së Përgjithshme nuk kanë rënë dakord:

1. të autorizojnë lidhjen e marrëveshjes nga ana e tij dhe,
2. ta autorizojnë të vendosë për çështjen në fjalë.

22.2 Autorizimi mund të jetë i përgjithshëm ose i posaçëm për një çështje të veçantë. Çdo aprovim i përgjithshëm duhet të regjistrohet në Qendrën Kombëtare të Regjistrimit (QKR).

22.3 Një Administrator nuk konsiderohet si pjesëtar i kuorumit të pranishëm në një mbledhje në lidhje me një vendim për të cilin nuk ka të drejtë vote. Për përashtimin e Administratorit nga marrja e vendimit në një mbledhje të tillë zakonisht zbatohet përkatësisht Neni 89 i Ligjit.

Neni 23: Procesverbalet e mbledhjeve të Administratorit

23.1 Administratori kujdeset që në libra të posaçëm të mbajë procesverbalet e të gjitha takimeve të bëra nga Administratori.

23.2 Të të gjitha punimeve të mbledhjeve të Asamblesë së Përgjithshme dhe mbledhjeve të Administratorit dhe të komiteteve të krijuara nga Administratori, përfshirë edhe emrat e personave të ftuar të pranishëm në këto mbledhje.

KAPITULLI V
Dividendët dhe kapitalizmi i fitimeve

Neni 24: Dividendët

24.1 Pas përbushjes së kërkesave të Nenit 77 të Ligjit, shoqëria, me anë të një vendimi të kualifikuar, mund të shpallë dividentë në përputhje me të drejtat përkatëse të ortakëve.

24.2 Me përashtim të rasteve kur parashikohet ndryshe nga të drejtat që u lidhen kuotave, të gjithë dividentët deklarohen dhe paguhen në përputhje me shumat e paguara për kuotat në lidhje me të cilat paguhet dividenti. Të gjithë dividentët përpjesëtohen dhe paguhen në përpjesëtim me shumat e paguara për kuotat gjatë pjesës ose pjesëve të periudhës në lidhje me të cilat paguhet dividenti. Por, nëse kuotat emetohen me kushtin se merr divident, duke filluar nga një datë e caktuar atëherë kuota në fjalë e merr dividentin sipas këtij kushti.

24.3 Asnjë divident dhe asnjë mjet monetar i pagueshëm në lidhje me një kuotë nuk mund të fitojë interesa nga shoqëria nëse një gjë e tillë nuk parashikohet në të drejtat që i lidhen kuotës.

24.4 Nëse një divident nuk është tërhequr pas dymbëdhjetë vjetëve nga data kur mund të tërhiqet



pagesa, nëse Asambleja e Përgjithshme vendos me vendim të kualifikuar, ky divident mund të anulohet dhe shoqëria nuk është e detyruar ta paguajë.

Neni 25: Kapitalizimi i fitimeve

- 25.1** Me autoritetin që i jep një vendim i kualifikuar i Asamblesë së Përgjithshme dhe duke pasur në konsideratë parimet e vendosura nga Neni 14 i Ligjit, Administratorët mund të vendosin të kapitalizojnë fitimet e pashpërndara të shoqërisë që nuk kërkohen për të paguar dividente preferenciale ose borpjeku të tjera të pasqyra ende nga shoqëria dhe kapitali i detyruar i shoqërisë.

TITULLI IV
Prishja dhe Njoftimet

Neni 26: Prishja dhe Likuidimi

- 26.1** Në rast të likuidimit të shoqërisë, likuiduesit me autoritetin që i jep një vendim i kualifikuar i Asamblesë së Përgjithshme dhe në përputhje me Ligjin, mund t'i shpërndajë ortakëve të gjithë vlerën ose një pjesë të vlerës së pasurive të shoqërisë dhe për këtë qëllim mund t'i vlerësojë pasuritë dhe të përcaktojë se si të bëhet një shpërndarje e tillë midis ortakëve.

Neni 27: Njoftimet

- 27.1** Njoftimet që i jepen personave ose që bëjnë personat sipas Statutit, duhet të jenë me shkrim ose përmes komunikimit elektronik në adresën e parashikuar në Nenin 4, paragrafi (8) të këtij statuti që është i vlefshëm në momentin që i bëhet e ditur për këtë qëllim personit që bëri njoftimin.
- 27.2** Shoqëria mund t'i japë një njoftim një ortaku ose personalisht ose duke ia nisur me poste në një zarf për të cilin është paguar edhe kthimi i përgjigjes në adresën e regjistruar të ortakut ose duke ia lënë në këtë adresë ose duke ia dhënë përmes komunikimit elektronik në adresën që është e vlefshme për momentin dhe i është bërë e ditur shoqërisë nga ana e ortakut. Kur ka bashkëzotërues të një kuote, të gjitha njoftimet i jepen përfaqësuesit të bashkëzotëruesve në përputhje me Nenin 7, paragrafin (2) të Ligjit.
- 27.3** Në këtë statut, përfshihen shtesa dhe ndryshime dhe të gjitha dokumentet e tjera, raportet, komunikatat dhe procesverbalet e shoqërisë, vendosen nga Administratori në hapësirën në internet të shoqërisë të parashikuar në Nenin 4, paragrafi (2) i këtij Statutit.

Neni 28: Dispozita të përgjithshme

- 28.1** Për sa i përket çështjeve që nuk janë parashikuar nga ky statut, do të aplikohen dispozitat e Shoqërisë me Përgjegjësi të kufizuar sipas Ligjit 9901, datë 14.04.2008 "Për Tregtarët dhe Shoqëritë Tregtare".
- 28.2** Selia e shoqërisë duhet të ketë të mbishkuar pas kësaj të paktën emrin e shoqërisë, numrin e vendimit dhe vitin e inkorporimit dhe fjalët "Vula e shoqërisë".
- 28.3** Çdo mosmarrëveshje që del nga kjo marrëveshje do të caktohet para gjykatës së vendit, ku ndodhet zyra e regjistruar e shoqërisë.



Neni 29: Dispozita përfundimtare

Ky Statut përpilohet në 3 (*tre*) ekzemplarë origjinalë, me vlerë të njëjtë ligjore, në gjuhën shqipe, njëri prej të cilëve do të depozitohet pranë Qendrës Kombëtare të Biznesit. Statuti mbylljet me 29 (*njëzet e nëntë*) nene. Ky Statut do të hyjë në fuqi menjëherë me regjistrimin e tij në QKB.

Lexuar, miratuar dhe nënshkruar.

Erol Alimihmeti fpt
Mikel Hasanajasi

ORTAKËT

e

Shoqërisë Tregtare "EXECUTIVE TRAVEL & TOURS" Sh.p.k.